

類  
編  
長  
安  
志

# 類編長安志卷之六

京北路 儒學教授駱天驥編集  
開成路 儒學教授薛延年校正

## 山水

華山爾雅曰華山為西嶽職方氏曰豫州其山鎮曰華山  
華山記云山頂有池生千葉蓮花服之羽化因曰華山  
西山記云太華之山削成而四方其高五十仞其廣有  
十又里張說秦華碑云華山少陰用事萬物生華曰華

山前對華陽後厭華陰左記桃李塞方在藍曰玉少吳下  
都尋次別銘山海經云山列三峯名柱五歲趙使云華  
山記箭筈峰上有穴繞見天紫線自火中而上更峯有  
仙掌石月三峰記云華山雲臺上有石盆可容水數斛  
明堂如玉上古篆人莫識俗呼為玉女洗頭盆杜甫望  
嶽詩云西嶽凌增竦雲尊諸峰羅列似兒孫安得仙人  
九節杖拄到玉女洗頭盆車箱入谷無多路箭筈通天有  
一門稍待秋風涼冷後高尋白帝問真源禱愈古意  
云太華峯頭玉井連開花十枝藕如船冷比雪霜甘比  
蜜一片入口沉疴痊我欲求之不憚遠青壁無路難黃  
緣安得長梯上摘實下種七澤根株連冠準云只有天  
在上更無山與齊又云拔地三峰起侵天萬仞高又曰  
雲間絕壁分三面天下名山放一頭

終南山在咸寧縣南五十里東自藍田縣界西入縣界石  
鰲谷以谷水與長安縣為界東西四十里關中記曰終  
南山一名中南宮在天中居都之南也一名抱肺山漢  
東方朔曰終南山天下之大阻也其山多玉石金銀銅  
鐵豫章檀栢異類之物不可勝原此百工取給百姓所  
仰足也唐又宗詔曰每開京師舊說以為終南山興雲  
即必有雨若晴霽璣雲化至竟久不霑濡宜命有司  
建立祠宇為貢終南律物詩終南何有有條有枚  
太一山三秦記云在長安東南八十里太一谷中有太一  
元君湫池漢武帝元封二年祀太一於此建太一宮  
太白山山海經云在武功南諺曰武功太白去天三百周  
地圖曰太白山高常有積雪無草木故曰太白  
山三輔故事云在長安東北七十里古之驪戎國也人

舊長安志云在臨潼縣東南二里驪戎來居此山故以  
名按土地記曰即藍田山之溫湯出山下其湯多穿玉  
其陰多黃金三秦記曰始皇作閣道至驪山八十里人  
行橋上車行橋下今石柱猶存山上立祠名曰靈臺建  
征記曰長安東則驪山西則白鹿原北望雲陽志見山  
阜之形而恒若雲霧之中元寧元年更驪山曰會昌山  
七載又改曰昭應山山神曰玄德公驪水經曰浮嶺山蓋  
一作  
度山在臨潼縣東南三十五里唐垂拱二年踴出譚寄錄  
曰新豐縣因風雷有度山踴出高一百尺荊州人俞文  
俊詣關上書曰臣聞天氣不和而寒暑併人氣不知疢  
贊坐地氣不和而地阜出今陛下以女主處陽位反易  
剛柔故地氣隔塞而山變為灾陛下謂之度山臣以為

非慶也疏奏天后大怒流之嶺外兩京道里記曰慶山  
踴出初六七尺漸高至三百餘尺居守以聞百寮畢集  
論事中魏叔璘竊戲曰此平地生骨堆何足慶或以上  
聞坐賜死誠者謂叔璘翻語是被戮故禍不及家止身  
而已

雞頭山在鄆縣東南三十里十六國春秋曰苻坐不能守  
長安坎而上隴山士卒散盡遂入雞頭山尋為追兵所害  
牛首山在鄆縣南二十五里南接終南山在上林苑中西  
京賦曰統黃山而款牛首山海經曰牛首之山有鬼車  
其葉如葵赤莖其秀如禾服之使人不憂三輔黃圖曰  
甘泉宮中有牛首山

玉林山在鄆縣境漢書曰鄆有五林接近世僧院有在重  
雲山紫閣山雲際山白雲山者此並不載

藍田山在藍田縣東南三十里范子卦然曰玉英出藍田

一名覆車山郭緣山述征記曰山形如覆車之象其山

出玉亦名玉山後魏風上記曰山巔方二里聖賢仙隱

之靈劉雄鳴學道於此下有神祠甚嚴灞水之源出藍

田谷西又有尊盧氏冢次北有女媧氏谷則知此地是

三皇舊居之所帝三世紀曰事  
虛六林音氏後

金山關中記云在藍田縣南一十里

菁山在藍田縣東南二十五里菁音劑

倒虎山一名玄象山在覆車山北符整時王子年始隱于

東陽谷後遊石季龍之亂徙於此

峽山在藍田南二十里縣

虎侯山在縣境七藍山在上縣南二十里

王順山在上縣東南二十里舊圖經曰昔道人王順隱此

阜兒山在藍田東六十里鄉俗所傳嘗有一禽止此山象

禽隨之疑為鳳也因名鳳兒山語訛作阜兒山

九峻山在醴泉縣西四十里漢書地理志曰谷口縣九峻

山在西四夷都國縣道記曰九峻山東連仲山西當涇水出馬高六百五十丈周十五里唐太宗昭陵在其上

武將山在上縣西北五十里一名憑山

芳山在上縣東北五十里覆甑山在上縣東北四十五里

承陽山在上縣西北七十里山有石泉三輔黃圖所謂泂

無勞山在上縣西北六十里

長陵山在乾祐縣東七十五里

夢谷山在乾祐縣東南三十里其山崇峻常有雲起

石驢山在縣西南一百八十里山有石狀驢

石馬山在上縣南三十里山有石狀馬



車輪山在縣南五里

考山在上縣北七十里

重崖山在上縣東五里

靈臺山在渭南縣東南三十五里

倒獸山一名玄象山在渭南縣東南三十七里十六國春

秋曰王秀字子年隱於東陽谷鑿崖穴而居第子傳業

者數百人亦皆穴處石季倫兵亂棄其徒家至于長安

潛隱終南山結菴廬而止門人聞而後隨之乃遷於倒

獸山即此山也

豐山在蒲城縣西北三十里一名蘇隱山

金粟山在蒲城東北二十里

白堂山在上縣東北三十五里舊圖經曰山之前秦白起

立寨之所因以為名

不羣山在上縣東北白堂山南舊圖經曰諸山景景峰巒

相接唯此山孤迥因以為名俗謂之孤山

金嶽山在上縣西北二十里

堯山亦名浮山在上縣北二十里舊圖經曰昔堯時洪水為災諸山盡沒唯此山若浮因以為名

重山在堯山前舊圖經曰以其與堯山有重疊之象故號

曰重山

銅斗山在上縣西北四十里馬家山在上縣西北五十里

梁山在奉天縣北十里即禹貢所謂壺口治梁及歧又古

公重父踰梁山至於歧下及秦立梁山宮皆此山也

峴山在好時縣

石門山在上縣西一十五里美川鄉

牛耳山在華原縣北六十里風孔山在上縣東五里

安君山在上縣東五里樹子山在縣北四十里

石埠山在上縣北四十里 把樓山在上縣北四十里

土門山在上縣東南四里 水經注曰宜君水東南出土門山

西三石山在上縣北六十八里 王女山在上縣西北六十里

鑑山吳開鑿在上縣東崖石夜放光明如鑑後唐同光年

改革原縣為耀州

荆山在富平縣西南二十里 今名握陵原尚書曰荆歧既

旅又曰導沂及歧至於荆山孔安國曰荆在歧東非荆

州之荆也方輿記曰昔皇帝鑄鼎於此山帝王世紀禹

鑄鼎於荆山在馮翊懷德之地今山下有荆渠

壇山在上縣西北三十里

天乳山在上縣西北二十五里 兩峰相對類乳形

堯門山在三原縣西北三十二里

嵯峨山一名截孽山在雲陽縣東北十里東西二十五里南

北二十里漢書載崑山在池陽縣北師古曰俗呼崑崙山是也音截蓄雲陽宮記曰東有慈峨山蓋又名慈峨曰夷郡縣記曰山頂有雲起即雨人以為候昔黃帝鑄鼎於此山

小仲山在上縣西北四十里史記漢武帝後穿鼎於汾陰

迎鼎至甘泉從行上薦之至中丞溫如得口三輔記云

有黃雲蓋焉徐廣云關中有中山非冀州者也雲陽宮

記曰宮南三十里有仲山未詳古之何山山有竹箭生

焉俗傳高祖兄仲所居今山有仲子廟積早祈之團此

射獵則風雨暴至廟有一泉未嘗水竭

甘泉山一名石鼓原俗云磨石嶺在上縣西北九十里周

六十里關中記曰甘泉宮在甘泉山上漢書旱于烽候

以應甘泉即此山也

文王山在同官縣西四十里

馬欄山在上縣北

三泉山在上縣東南三十二里

白馬山在上縣西北

女回山在縣境

類山在羗原縣北一十八里 秦將王翦此縣人

石疊山在上縣北一十五里 萬斛山在縣東北二十里

金粟山在上縣北一十五里 云鏡山在上縣西北一十里

明月山在上縣西北二十里 其山夜望之朦朧似月故號云

秦嶺山山海經秦嶺乃天下之大阻也 三秦記秦嶺東起

商洛西盡汧隴東西八百里 嶺根水北流入渭號為八

百里秦川

岐山周地圖云在鳳翔東北五十里山下有周公卣文憲

王廟中有潤德泉

吳山方輿記云在沂陽縣乃華山亞嶽

崆峒山春秋元命包曰朝那有崆峒山上有軒轅黃帝謁

廣成子問道宮

六盤山周地圖六盤山高秦川一百八十里南接崆峒北

連斷頭山至黃河

水

涇水水經注導源安定朝那西筭頭山東過涇邠至仲山

出口入秦川長陵東合于渭

渭水水經注出烏鼠同穴山東經南安天水略陽秦川至

華陰弘農合黃河

灃河水經注出商山秦嶺北出倒回谷經藍田本名滋水

秦繆公改為霸水過陵會灃水北合于渭

澧水水經注出南山大谷湯谷庫谷北合荆谷水西北至

光泰門合于灃

灃水水經注灃水出南山灃谷北流至長安縣西北堰頭

元村周文王廟西合于渭

鎬水按長安園本南山石鑿谷水至香積寺與沔河交為之  
交河西北入石巷口灌昆明池北入古鎬京謂之鎬

水又北經灃池西北合于豐

澇水山海經鄠縣南牛首山澇水出焉水經注澇水出澇

谷鄠縣北至澇店合于渭

湑水水經注出西義谷太一谷經樊川杜曲草曲至下杜

城為漕河北經三橋合于渭湑今名流一作沈

黑水嘉貢黑水西河惟雍州水經注出南山黑水谷司竹

監北合于渭

甘水水經注甘水出南山甘谷尚書啓與有扈戰于甘之

野至甘河鎮北合于渭

福水即交水也水經注曰上承樊川御宿諸水出咸寧縣

南山石壁谷南三十里與直谷水合亦名子午谷水

庫谷澗水北流二十五里合採谷水下流入荆谷水疏產

水下流二十五里合霸水疏霸水北流二里入渭

採谷水來自藍田縣界西北流三十里入咸寧縣界二十

里合採谷為產水北流四十里入霸水

石門谷水來自藍田縣北流一十里入縣界合採谷水北

流一十五里合庫谷水為產水

荆谷水一名荆溪來自藍田縣至康村入咸寧縣界西流

流三十里出谷至平川合庫谷採谷石門水為荆谷水

一名產水南京道里記曰荆溪水名長水後秦姚興避

諱改焉



義谷水自成寧縣界由乾祐縣下流入山一百里至谷口西  
北流二十里合錫谷羊谷水入坑河西流一十五里入

長安縣界

郊谷水北流一十里合錫谷水自谷口北流一十里為坑  
河入長安縣分界流三十里合豐水

石鰲谷水北流一十五里復西流一十里入長安縣界  
漕水由咸寧縣界坑河分水約五里西流

已上並屬成寧縣

漉池水出長安縣西北二十里

戲水水經注曰源出驪山

坑谷水在縣南二十七里自成寧縣界流經縣五里合交

水

梗梓谷水出南山北流合閭園渠又西北約林谷水入焉  
又西北流至縣東南三十里入交水

豹林谷水出南山北流三里有竹谷水自南來會又北流  
二里有子午谷水東來會自此以下亦謂之子午谷水

圓經豹林谷水子午谷水並合入郊河

龍驪谷水合郊河已上生屬長安縣 大河谷水合郊河

灋谷水合灋河已上生屬長安縣 白谷水合豐水已上屬咸陽縣

斜水漢書出衙領山北至郿入渭水經曰出武功縣西南

衙領山北歷斜谷過五丈原東原在縣西十餘里水出

武功縣亦謂之武功水諸葛亮表遣虎步監孟琰據武

功水東司馬懿因水出騎方人來攻琰營亮作車橋懿

見橋畢成便引兵退

褒水漢書亦出衙領山至南鄭入沔

武亭水北自好時縣來至縣南立節渡合渭水

白水本名雍水亦曰圍川水西自扶風縣界來至縣合武

亭水

莫谷水水經注曰莫谷水南經美陽縣與中亭川水相合

舊圖經曰自奉天縣界一十里流至縣東北合武亭水

十道志曰三時原莫谷水南經武功縣北

癘水

十道志曰谷名白水亦曰圍川水西北自扶風縣界

流入  
溫泉水出太一山其水沸湧如湯水經注杜彥遠曰可治

百病世清則疾愈世濁則無驗其水下合溪流北注渭

已上並屬武功縣

冷水在臨潼縣東三十五里來自渭南縣界亦曰百丈水

水經注曰冷水出肺浮山歷陰盤祈豐兩原之間北流

注上渭

陰盤城河水在縣東北一十四里出縣北楊村社魚池水

在秦始皇陵東北五里周四里水經曰泉出麗山本導源北流始皇葬於山北水過而曲行東注北轉初造陵取土其地汙深水積成池謂之魚池

市谷水在縣東三十里流入渭已上並屬臨涼縣

高觀谷水在鄠縣東南三十里闊三步深一尺其底並碎

砂石北流入長安縣界合豐水

太平谷水在縣東南三十里闊七步深二尺其底並碎砂

石北流入長安縣界合豐水水道志曰一名林谷水即清水之上流也源出終南山

檀谷水水道志曰長樂渠之上流也源出縣南終南山

甘谷水在縣西南二十三里闊三步深一尺其底並碎砂

石北流入興平縣界合渭水

耿谷水在縣西南三十里闊三步深一尺其底並碎砂石北流入興平縣界合渭水

扈陽谷水十道志曰一名扈水又名馬腹陂水水經注曰

扈水上承扈陽池已上並屬郿縣

金谷水出藍田縣西南終南山之金谷水經注曰水東北

流注澹水又北流歷藍田川北注于霸

劉谷水一名泥水出縣東南劉谷水經注曰水出藍田山

之東谷俗謂之劉谷西北與石門水合

銅谷水出縣東銅谷水經注曰石門谷東有銅谷水合

谷水西注泥水

白馬谷水出縣東北馬谷南流經縣南又西北流入霸水

白牛谷水出縣西北牛谷西南流入霸水

園谷水又有岐谷水出縣西南岐谷南流入霸水

狗枷東川水出縣西南終南山水經注曰上有狗枷堡秦襄公時有天狗來下有賊則狗吠之一堡無患故川得名焉又曰狗枷東川水出南山之石門谷次東有孟谷次東有大谷次東有雀谷次東有土門谷五水合而西北流歷風涼原東為一大水入萬年縣界

荆谷水自白鹿原東流入咸陽縣唐材界

鞞谷水出南山鞞谷北流入霸水

藍谷水南自秦嶺西流經藍關藍橋過王順山下出藍谷

西北流入霸水

頤谷水自秦嶺出南流入霸水

採谷水自秦嶺出北流三十里入咸寧縣界

石門谷水自秦嶺出北流三十里入咸寧界

庫谷水自南山出北流入咸陽界合澁水

麥子澗在縣南三里出南山西北流合輞谷水入霸水已  
上並屬藍田

五丈河在櫟陽西南今涸

汜水在乾枯縣東五里出咸寧界秦嶺下流入金州洵陽  
縣界

瀘水在縣西南七里出考山下流入汜河

洵河水在縣西南一百里出咸寧縣長安兩縣界秦嶺下

南流經縣入金州洵陽縣界已上屬乾祐縣

首水出渭南縣西南石樓山水經注曰首水出倒鞞山

南總五水畢流北注經秦步高宮東歷新豐原東而北經

步壽宮西又北入渭

東陽谷水出縣東南廣鄉原北

西陽谷水出縣東南廣鄉原北

杜化谷水出縣西南

零谷水出縣西二上屬渭南縣

芒水水經注曰出南山芒谷逕玉女房水劉山隘有石室

世謂之玉女房又北逕縣之竹園中分為二不漢孺子

詔翟義作亂於東霍鴻百倚蓋屋芒竹師古曰芒竹師

古曰芒竹在蓋屋南界芒水之由而多竹林也即今司

竹園是其地矣芒音亡一水東北為枝一水北流注渭

韓水在縣北三十里出終南山蒲澗北流二十五里入渭

沙河水在縣東二里自終南山北流經縣界三十五里入渭

曲河水在縣西五里其水亂泉水合之北流入渭

田谷河水在縣東南三十五里出終南山下北流又黑水

河水經注有田溪水疑是此已上屬蓋屋縣

莫谷水在縣南五里自永壽縣麻亭嶺流經縣三十里西



南入武功縣界也上屬奉天縣

漆水自華原東北同官縣界來經縣一十五里南流入富  
平縣界合沮水俗名石川水周太王去彌度漆踰梁山  
止岐下故詩曰自土漆沮又曰率西水泚至于岐下尚  
書曰導渭自爲鼠同穴東會于澧又東會于涇又東過  
漆沮入于河孔安國曰漆沮一名洛水出馮翊北正義  
曰雍州漆水出扶風漆西沮則不知所出山海經曰涇  
渭合流三百里清濁不相雜東合漆沮水至漳漳入于  
河又曰榆次之山漆水出焉北流至于渭水經注曰渭  
水東過華陰縣北洛水入焉闕駟以爲漆沮之水  
沮水自縣西北邠州界來經縣九十五里南流合漆水入  
富平縣界石川河

澗谷水來自縣西北孝義鄉焦砦村南流七十里入三原縣界

濁谷河水自縣西北孝義鄉大海村來經縣四十五里南

流入三原縣界已上屬華原縣

澤多泉水在富平縣西一十三里永潤鄉溫泉村東入薄

臺川三十里東南入漆沮河溉民田

治谷河水自縣西北淳化縣界來經嵯峨武康青龍等鄉

溉民田

五龍谷水水經注曰出雲陽宮西南

同官川水在縣北五十里自坊州宜君縣界來經縣南流

入華原縣界水曰同官水出葭州城東北而西南

經同官川謂之同官水

雷平川水在縣西北五十里入同官川水

高望河水在縣東二十五里入蒲城縣界

漢井泉水在縣東北三十里南合入高望川水

大石盤水川在縣東北五十里馬欄山北東流入坊州宜  
春縣界已上屬同官縣

# 川谷

川

御宿川在咸寧縣西南四十里楊雄羽獵序曰武帝開上  
林東南至御宿川孟康注曰為儲離宮別觀禁御不得  
使人往來遊觀止宿其中故曰御宿川漢天利后傳夏  
遊御師古曰御宿苑在長安城南今之御宿川是也  
樊川一名後寬川在咸寧縣南三十五里十道志曰其地  
即杜陵之樊鄉漢高祖至櫟陽以將軍樊噲灌廢丘功  
最賜噲食邑於此故川

東望川在武功縣東二十里

北虜川在富平縣北五里

薄臺川在富平縣南五里

澆川在長安東南三十里地志澆川即澆川也

谷

義谷在咸寧縣東南八十里

錫谷在縣東南六十里 羊谷在縣東南六十里

炭谷在縣南六十里 郊谷在縣東南六十里

竹谷在縣南六十里方輿記曰竹水俗謂之赤水出於媚谷

石鬻谷在縣西南五十五里

荆谷在縣南二十五里已上屬咸寧縣

坑儒谷在臨潼縣西南五里秦始皇坑儒於驪山下故名

坑儒鄉

頌谷在藍田縣東五十里 同谷在頌谷之西

例回谷在縣東南五十里灞水上源出此谷內通商州洛南縣界

藍谷在縣東南二十里 採谷在縣西南三十里

輞谷在縣西南二十里 石門谷在縣西南四十里

庫谷在縣西南五十里谷有闕已上屬藍縣

甘谷在醴泉縣西八十里 泥泉谷在縣西北三十里

石泉谷在縣西北六十里 汶水谷在縣北七十里

承陽山雨水谷在縣西七十里

豆靈谷在縣西北八十里 黑狗谷在縣西北九十里

巴谷在縣西北九十里 已上屬醴泉

白水谷在縣西北一百里

黃狗谷在渭南縣南三十里

良將谷一名白堂谷在蒲城縣東北三十里

炭谷在縣西北二十里此谷出炭

佛空谷在縣西北三十五里谷內有佛空院唐會昌五年廢

白馬谷在縣西北四十五里

洛水谷在縣東五十里

韋谷在藍屋縣西南三十里

倉谷在縣西南二十五里

底保谷在縣西南三十里

故縣谷在縣西二十五里

西洛谷在縣南三十里

黃谷在縣東南二十五里

牛貴谷在縣東南三十五里

赤谷在縣東南三十五里

洛谷在縣南三十里

清水谷在華原縣西三十五里石門鄉十道志一名鬼谷

強弩谷在縣西南二十五里

韓谷在縣東南二十五里

田谷在縣東三十里

壇谷在縣東南三十七里

已上屬藍屋縣

晉太康地記扶風池陽縣有鬼谷先生所居今按此地即池陽之境又司馬彪田鬼谷在嵩山虞喜志休在龐闕裴秀雍州記在池陽未知孰是

## 白渠

泉

馬跑泉在縣西二十五里

要冊泉在縣北八里

下村泉在縣西北一十五里

李村泉在縣西北一十里

已上屬咸陽縣

玉女泉在興平縣東南

史家泉在縣北楊妃冢西

板橋泉在縣西北一十七里深百尺流入白渠

龍泉亦名溫泉又名姜子泉在縣西一十七里周數十步深

不可測

涇龍泉新泉相去十餘步在縣西一十七里周數十步

馬嵬泉在縣西二十里周數十步深百尺

靈寶泉在縣東南二十里周數十步深不可測舊圖經曰

漢帝時邊韶得靈寶符于此泉後祈請有應因名之

醴泉在縣東南二十里周數十步深不可測舊圖經曰醴

泉在扶風鄉唐貞觀十二年自然湧出其味如醴飲之

疾愈已上屬醴泉縣

羸澄泉在臨潼縣西南五里羸徒緣切而泉出也

鳴犢泉在縣西北十里獨孤村東西二泉相隔一里俗云

東泉一牛犢沒於泉底牛母悲鳴其犢西泉而出從號

曰鳴犢泉

溫泉在縣南一百五十步驪山之西北雍州圖曰溫湯在新

豐界溫谷即溫泉也三秦記曰驪山湯舊說以三牲祭乃

得入可以去疾消病不爾即爛人肉俗云始皇與神女



歲不以禮神女唾之則生瘡始皇怖謝神女為出溫泉而洗除後人因為驗漢武帝故事曰魏山湯初始皇砌石起宇至漢武又加修飾焉張衡賦序曰余適驪山觀溫泉浴神井嘉洪澤之普施十道志曰今按泉有三所其一處即皇堂石井周武帝天和四年大冢宰宇文護所造隋文帝開皇三年又修屋宇列樹松栢千株餘唐貞觀十八年詔左屯衛大將軍姜行本將作少匠閻立德營建宮殿御湯名湯泉宮太宗因幸製碑咸亨二年名溫泉宮天保六載改為華清宮驪山上下益治湯井為池臺殿環列山谷明皇歲幸焉又築會昌城即於湯所置百司及公卿邸第焉華清宮北向正門曰津陽門東而曰開陽門西而曰望京門南而曰昭陽門津陽門曰理光樓其南曰飛霜殿御湯九龍殿在飛霜樓之南

亦名蓮花湯明皇雜錄曰玄宗幸清宮新湯  
仍名蓮花湯仍名蓮花湯  
命陳華宮仍名蓮花湯命陳華宮仍名蓮花湯  
因幸華宮仍名蓮花湯因幸華宮仍名蓮花湯  
半日宮內飛動其上甚艱半日宮內飛動其上甚艱  
又曰宮內飛動其上甚艱又曰宮內飛動其上甚艱  
每陽燄又修廣與諸湯而外更西有湯每陽燄又修廣與諸湯而外更西有湯  
西少陽燄又修廣與諸湯而外更西有湯西少陽燄又修廣與諸湯而外更西有湯  
次名長湯次名長湯  
今下即長湯今下即長湯  
亭重明閣長生殿集靈臺朝元閣老君殿鐘樓明珠殿亭重明閣長生殿集靈臺朝元閣老君殿鐘樓明珠殿  
笋殿觀風樓閣鷄殿按歌臺毬場連理木飲鹿槽丹霞笋殿觀風樓閣鷄殿按歌臺毬場連理木飲鹿槽丹霞  
泉竭鼓樓祿山亂後天子罕復遊幸唐末遂皆圮廢晉泉竭鼓樓祿山亂後天子罕復遊幸唐末遂皆圮廢晉  
天福中改為靈泉觀賜道士居之天福中改為靈泉觀賜道士居之  
上屬臨潼縣上屬臨潼縣  
沒猪泉在鄠縣東南其源澄湛俗傳音有野猪没而為泉沒猪泉在鄠縣東南其源澄湛俗傳音有野猪没而為泉  
園經曰按說文猪亦猪也水所停曰猪尚書禹貢曰大園經曰按說文猪亦猪也水所停曰猪尚書禹貢曰大  
野既猪亦曰彭蠡既猪蒙波既猪皆由水所停尔又曰野既猪亦曰彭蠡既猪蒙波既猪皆由水所停尔又曰

黑水西河為雍州終南博物至於鳥鼠原隰底績至於  
豬野令鄠縣實終南之隈沒汨沒也蓋泉澤即水所停  
尔俗而神之非也今傍有禹廟

咽孤泉在藍田縣西一十五里舊圖經曰唐李荃於此遇  
驪山老母說陰符經傳教既畢令荃取水荃乃携瓢就  
泉汲水已失老母因名咽孤泉

挂泉在藍田縣東北四十里泉畔舊有柱一根唐武德六  
年寧氏令顏祖引南山水入京城

梁泉在渭南縣東南一百五步

甘泉在縣城內

姜泉在縣城內唐陸贄為尉有詩曰遠街流渺、夾砌樹

陰、蓋縣城內多引流泉已上屬渭南縣

白龍泉在藍屋縣東北一里玄宗幸蜀濟告符應封土主

白龍大王立廟

永女泉在縣西南五里

沒底泉在縣北一里北三里入渭已上為盤石縣

鹹泉在富平縣東南五里

白馬泉在富平縣東一十里

鄭泉在雲陽縣西四十里雲陽宮記曰漢鄭朴字子真隱

於谷口高節不屈耕於嵒石之下名震京師時人因子

真所居名為鄭泉

金泉雲陽宮記入治谷二十里有百里槐樹北有泉出數

穴清徹無底雍州記曰有人飲此泉水見有金色從山

中照水往取得金故名金泉

亭子泉在同官縣東一里 栢榭泉在同官西南一里

哭泉新說曰哭泉在宜君山杞梁妻孟姜負夫骨哭不止

有泉湧出水作哭聲號曰哭泉左山詩曰一脉寒泉凍止  
清涓涓猶似哭聲長城費盡生民力千載誰成節婦名  
湧珠泉新說曰湧珠泉在負在半崖一泓汪洋周匝三十  
步其水從底湧出如珠璣大小不等至水而而散盡夜  
不止號曰湧珠泉又曰珠泉王清卿詩云竹徑蓮塘  
小有天邊橋五到湧珠泉主人不識噴霞客與盡山陰  
訪戴叔

鳴犢泉新說曰咸寧縣東而六十里有鳴犢泉俗云因犢  
跑鳴而得泉因置鳴犢鎮武帝獵于鳴犢之西原即此地

溫泉在武功縣出大一山其水沸湧如湯

石門湯泉在舊曰縣西南四十里石門谷口舊園經曰唐  
初有異僧止于此大雪其地雪融不積僧曰必溫泉也掘  
之果有湯泉湧出遂置台而區凡有病者浴多痊損後

有白魚之瑞復神女頻降遂立玉女堂於湯側明皇時  
賜名大興湯院

聖女泉舊圖經云在長安縣西二十五里平地泉湧出為  
池周二十步

渠

龍首渠一名澹水渠漢書曰穿渠得龍骨故名龍首隋開  
皇三年自府城東南三十里馬頭控堰澆水西北流至  
陳秋橋枝分為二渠一北流經長樂坡西北灌穀碧積  
翠西北入大明宮後灌太液池五季後渠涸宋大中祥  
符七年九月九日龍圖直學士尚書工部郎中知水興  
府陳堯咨奏引龍首渠入城勅堯咨者所奏永興軍城  
井泉大半鹹苦居民不堪食州臣親相度城東二里有  
水渠曰龍首其水清冷甘冽可五六十人開渠引注入

城散流塵閑出納城濼閩域盡食甘水皆感聖恩事具  
志卿幹用適時精心率職方類于藩之任尤賢治劇之  
才而能相厥土之高卑究斯民利病靡煩庶後潛導迅  
流直貫城閩俯因塵閑既蕩和而難老亦播以無窮矧  
龍首之清渠實唐京兆之舊跡克終廢陸深副倚毗閩  
乃奏章遠茲推美其於難尚不捨寤興故茲獎諭想宜  
知急夏熱卿北平安好違書指不多及十五日壬子  
齊平章復引水入城中至元十年後閩五季後網渠自  
長樂城西北流入王城一渠西流灌興慶池經勝業  
坊西京城經少府錢監都水監青蓮堂西入熙熙臺西  
入城濼今渠廢水不復入京城

黃渠自南山東義谷堰水土少陵原至杜陵南分為二渠一  
灌鮑陂一北流曲江新說曰唐文宗時由渠已潤帝請

杜詩有意復興大和九年發神策軍掘黃渠洶曲江今黃渠水上少陵原東流入滄川

清明渠隋開皇年引滄水西北流入城又東流至安樂坊之西南隅屈而北流經宣義太平等九方之西東流入皇城大社又東至舍光門街屈而北流經向食局東又北流經將作監內侍省又北流入宮城

永通渠隋開皇四年開起縣西北渭水與城堰初名富渠

仁壽四年改

漕渠唐天寶二年京兆尹韓朝宗引渭水入金光門置潭于西市以貯材木大曆元年尹黎幹自南山谷口開漕渠抵景風延喜門入苑以運南山薪炭已上屬長安縣

興成渠在咸陽縣西十八里唐李石為相奏咸陽合韓遠治之東建永豐倉自秦漢已來疏鑿為漕渠起咸陽抵



潼關三百里無車軌之勞其後堙廢自此復之

明渠漢時渠也水經注曰在交樂宮桂宮之間

漆渠在縣西南二十里舊自縣之坑河分水經縣界二十

里入漕河漢書曰漢穿渠通漆水故曰漆渠括地志曰

胡亥將運南山之漆而開此渠

永安渠隋開皇三年引交水西北流入城經大通信義永

安延福崇賢延康六城之西又經西市之東北流經布

政頌政輔興崇德四坊及興福寺之西又北入芳林園

又北入苑注之于渭已上屬咸陽縣

成國渠在興平縣北一里自武功縣界流入縣界凡六十

里溉田二百四十頃東流入城陽界即古白渠也水經

注曰成國故渠故魏左僕射衛臻征蜀所開也上承沂

水於陳倉東過郿及武功槐里縣唐石記成通十三年夏

月戊子京兆奏六門堰畢其渠合韋川莫谷香谷武安  
四水溉武功興平咸陽高陵等縣田四萬餘頃俗號為  
白渠其利與涇白相上下又曰成國渠見漢書地理志  
元魏時僕射往臻蜀復開以溉田大統十三年魏始築  
堰置六斗門以節水貞觀中役九州失匠沉鐵牛鐵劍  
以禦魃魁始就其功永徽四年右僕射于志寧治之尋  
決聖曆中救豫州刺史張知憲修焉始引安武水久視  
元年副西京留守雍州長史薛季昶得許公雅法縛土  
牛以殺水勢春官郎中薛稷刻石叙之咸通十一年七月  
咸陽縣民薄達等上言六門淤塞緣渠之地二十年不得  
水耕耨而其官歲以水籍為稅請假錢二萬八千九百八  
十貫為修堰工作之費候水通流追利戶錢以還京兆  
府為之奏乃詔借內藏錢以充命中使董其役事又今

本縣官卑之既訖後凡用錢萬七千絲今涸

昇原渠在縣南一十五里西自武功縣流入縣界凡六十

里溉田七十餘頃東流入咸陽其原出沂水自鳳翔號

縣城西北原流至武亭合流數里西南至六門堰東成

國渠合流西南出縣界以其昇原而流故名之唐垂拱

初運政隴木令涸

普濟渠在縣南一十里自武功縣流入縣界凡六十里溉

田七十餘頃東流入咸陽今涸已上屬興平縣

五泉渠十道志云西自岐州扶風縣界流入渠經三時原上

東流經武功縣西南去縣一十二里隋文帝葬原上因

絕此水又東合成國渠

白渠在涇陽西北六十里堰涇水入馬西自雲陽縣界來

東入高陵縣界十道志曰太白中白南白謂之三白渠

也渠上斗門四十八三限口在縣東北分南北三渠

五渠在櫟陽縣其水自洪門分入高陵縣北下並入渭水

中白渠北第一折波渠第五斗中南渠第七斗

高望渠第二斗偶南渠第五斗

白鹵池渠在蒲城縣南四十里白鹵鹽池連東入沮水關

五十尺深二丈蓋鹵水汎漲流注故曰鹵渠

韋谷渠在藍屋縣西南三十五里自南山流下至青化店

靈軹渠在藍屋縣界漢武帝穿

鄭國渠在富平縣南二十里史記曰秦既有事山東欲兼

并諸侯諸侯益懼韓惠王問秦之好與利欲罷之毋令

東伐乃使水工鄭國問說秦令鑿涇水自山中東西邠

口為渠並北山東注洛三百餘里欲以溉田中作而覺

秦欲殺鄭國鄭國曰始臣為間然渠成亦秦之利也臣

與韓延數年之命秦開萬世之利也王以為然卒使就  
渠渠成注填闕之水溉澤鹵之地四萬餘頃收皆畝  
鯉於是關中為沃野無凶年秦以富強年併諸侯因命  
曰鄭國渠

三白渠亦名北白渠又名太白渠十道志云涇水自洪口  
堰水至涇陽縣北十里分為三限太白中白南白謂之  
三白渠簡長安志云在富平縣南二十里漢書武帝大  
始二年趙中大夫白公奏復穿渠引涇水首起谷口尾  
入櫟陽注渭中袤二百里溉田四千五百餘頃因名曰  
白渠民得其饒歌之曰田於何所池陽谷口鄭國有前  
白渠起後舉帝為雲決渠為雨涇水一石其泥數斗且  
溉且糞長我木黍衣食京師億萬之口按白渠西自三  
原縣界流經縣溉脾陽大澤豐閏三鄉民田四十里有

斗門一十五所其水東入漆沮河唐永徽六年雍州長  
史長孫祥奏言往日鄭白渠溉田四萬餘頃今為富僧  
大賈競造碾磑止溉一萬許頃於是高宗令分檢渠上  
碾磑皆毀撤之未幾所毀皆復廣德二年尚書工部侍  
郎李栖筠復陳其弊代宗亦命圻去私碾磑七千餘所  
歲餘栖筠出常州私制如初至大曆中水利所及繞六  
千二百餘頃

堰武渠在縣西北四十五里義林鄉來自華原縣界流經  
縣溉民田八里

白馬渠在縣西北四十里義林鄉信義村引漆沮河水溉

民田一十五里

長澤渠在縣西北三十里義林鄉西陽村引漆沮河水溉  
民田一十五里

高望渠在縣西北二十五里義林鄉閭村引漆沮河水溉

民田三里

文昌渠在縣西北一十七里永閭鄉自義林鄉引漆沮河

水溉民田一十里

石水渠在縣西北二十五里引漆沮河水溉民田一十里

永濟渠在縣西北二十五里引漆沮河水溉民田二十里

懷德渠在縣西南一十二里薄臺川引澤多泉水溉民田

十里

陽渠在縣西南二十八里引漆沮河水溉民田一十五里

直城渠在縣西南二十里引漆沮河水溉民田二十里平縣屬

六輔渠漢書元鼎六年免寬為在內史奏諸穿六輔渠以

益溉鄭國旁高印之曰閼經曰此則於鄭國渠上流南

岸更開六道小渠以輔助溉灌耳今雲陽三原兩縣界

此渠尚存鄉人名六渠亦號輔渠屬三原縣  
香積渠隋開皇三年築京城引香積渠水自赤欄橋經第五橋西北入京城

# 陂澤

陂

永安陂在咸寧縣西南二十五里周七里十道志曰秦英皇子起塚陂北原上因名皇子陂隋文帝改

豐潤陂在咸寧縣東北二十五里周六里三輔舊事曰後周太祖名為中都陂隋文帝改

洛女陂在咸寧縣東十五里三輔舊事曰洛女冢南有洛陂

俗號洛女陂

鴈陂廟記曰在鎬池北地方六頃承昆明池下流



河池陂水經注曰昆明故渠上承昆明池而東經河池陂

而此亦曰女觀陂已上屬長安縣

蘭池陂即秦之蘭池也在咸陽縣東二十五里

周氏陂周十三里舊圖經曰漢周勃家在此其子亞夫有

功遂賜此陂故地以氏稱之長安圖曰周氏曲咸陽縣

東南三十里季善曰今名周氏陂陂南一里有漢蘭池

宮已上屬咸陽縣

漢陂在鄠縣西五里出終南山諸谷合朝一作公泉為陂十

道志曰有五味陂陂魚甚美因設名之本屬奉天文說

文曰漢陂在京北鄠縣其周一十四里北流入滂水唐

寶曆二年勅漢陂令尚食使接管不得雜人採捕其水

任百姓溉灌勿令廢碾磴之用文宗初詔並還府縣

清泉陂在櫟陽縣西南十里多水族之利

龍泉陂在涇陽南三里周六里多蒲魚之利

澤

野韭澤即漢牛首池也在咸陽縣西北三十八里

馬牧澤在興平縣東南二十里南北廣四里東西二十一里

八部澤在郿縣東南一十八里周五十里

煮鹽澤在櫟陽縣南一十五里澤多鹵符秦時於此煮

鹽周二十里

焦獲澤

在涇陽縣北亦名瓠口爾雅十藪周有焦獲郭

璞曰今扶風池陽縣中是也詩曰檢狝匪茹整居魚

獲謂此也史記鄭國鑿涇水自仲山西邸瓠口為渠水

經注曰注水東南流經瓠口

王尚澤在渭南縣西一十五里

望仙澤在縣東南三十七里周一十里雍州記曰在藍屋縣

東南周池圖記曰望仙宮南澤中有石盤龍兩所鱗甲動有雲氣澤如鳴鐘水經注曰槐里東漏水又北歷葦

圃西亦謂之仙澤

仙遊澤在藍屋縣東南一十五里周一十三里  
鹽池澤在富平縣東南二十五里周二十里

## 潭泊

潭

仙遊潭在富平縣南三十里闊二丈其水黑色相傳號五龍潭每歲降中使投金龍

泊

百頃泊在興平縣西二十五里周一十六里  
宋泊在縣西二十里周二十四里

由泊在興平縣西南一十五里

已上屬興平縣

流金泊在雲陽縣東北一十里

井附

浪井在興平縣耿祠鄉唐貞元五年自然湧出有疾者飲之皆得愈遠近汲取朝夕如市

蝎井在臨潼縣東北上七里官道側井傍有還道紫繞及于水次

# 類編長安志卷之六

類編長安志卷之七

京兆路儒學教授駱天曠編集  
開成路儒學教授薛延年校正

橋渡

灊橋方與記曰漢灊橋在古長安城灊城門東二十里灊店  
南北兩橋以通新豐道漢人送客至此贈別謂之銷魂  
橋王莽改為長存橋唐灊陵橋在京兆通化門東二十  
五里近漢文帝灊陵謂之灊陵橋孟浩然騎驢處隋開

皇三年造唐隆二年仍舊唐宋迄今有司課民村木為  
與梁以濟十月橋成三月圻毀至

我大元堂邑劉斌修為石橋初濶水適秋夏之交霖潦  
漲溢波濤洶湧舟楫不能通漂没行人不可殫紀常病  
涉客中統癸亥會斌旅秦還至濶上置秋雨泛漲同行  
之車九三漲息斌車前導僅連岸次渡者人畜幾溺斬  
荆獲免其殿者隨流漂没不知所存斌遂誓修石梁歸  
詢親辭妻家事悉委其弟曰若石橋不成永不東歸至  
元三年結盧濶岸先架木梁以濟不通斌能於匠石工  
梓澂治斷輪靡有不解以素藝供其所費至  
落成凡一十五虹長八十餘步闊二十四尺中分三軌傍  
翼兩欄華表柱標於東西村留神鎮於北海獸盤踞于砌  
石後貌蹲伏于欄杆鯨頭噴浪鰲首吞雲築提五里栽

柳萬株遊人肩摩教擊為長安之壯觀名達

宸聰親承

顧問寵賜優渥勅建豐碑

安西王錫以白金四笏以勞之可謂功不徒施矣斌為人清癯多力智略巧思人不能出其右多藝能自營石梁日夜不息手足胼胝心勦形瘵雖祁寒暑雨而不輟其工遇患難齟齬而不改其志前後歷三十寒暑鄉關隔二千餘里不為妻孥掛懷持空拳孜孜勉勉以成曠古所無之功受知於

九重垂名於千載可謂有志之君子矣

中渭橋舊名橫橋又名三橋三輔故事秦始皇造元和郡縣志始皇作離宮於渭水南北以象天宮渭水貫都以象天漢橫橋南渡以法牽牛渭水南有長樂宮渭水北

有咸陽宮欲通二宮之間故造此橋廣六丈南北二百八十步六十八間七百五十柱二百二十二梁橋之南北有隄繳立石柱柱南京兆主之柱北馮翊主之有令永各領徒一千五百人橋在咸陽東南二十里

東渭橋地志云去京城東北五十里三秦記漢之東渭橋漢高帝造以通櫟陽道

西渭橋漢書武帝建元三年初作便橋於長安西北二十里跨渭水以趨茂陵今之西橋唐謂之咸陽橋杜甫詩車鞚鞞馬蕭蕭塵埃不見橋乃此也

石橋在興平縣西二十里馬嵬店

首橋在渭南縣東五里橋架首水因名之

飲馬橋長安圖經漢時七里渠有飲馬橋滕公馬塚在飲馬橋北三里



望仙橋元寶遺事明皇歲幸華清宮其門北向外有左右

朝堂門北相對有望仙橋橋北有講武殿

五橋唐地里記唐禁苑內有青城龍鱗栖雲凝碧上陽等

五橋每月各着衛士五人守祀見開元格式律令事類

下馬橋政要長慶元年東內苑毀東下馬橋及總監屋入

其地以廣鞠場

龍橋新說曰三原縣西南三十里有清冶谷水橫截大路

先有木橋正隆年有龍鬪毀其橋後人增修橋樓謂之

龍橋鎮元貞二年移三原縣事入龍橋

渡

橫瀆店渡在咸寧縣東南二十五里入藍田路

渭橋渡在咸寧縣東北二十里

光泰門渡在咸寧縣東三十里入高陵耀州路

中橋渭水渡在長安縣北二十六里

嘉麥渭水渡在長安縣北二十六里

段留渭水渡在長安縣東北二十六里

北澧店澧水渡在長安縣西四十里

南澧店澧水渡在長安縣西四十五里

安劉渡在咸陽縣東三十五里

兩寺渡在咸陽縣西一十五里浮化三年廢

龍光渡在興平縣西南三十五里渭水上

名光渡在醴泉縣東北三十五里

涇甘渡在醴泉縣東北三十里

渭水渡七西抵高陵縣東至下邽縣屬櫟陽縣

田王渡

田家渡

周夏渡

聖力渡

萬安渡

耿渡

孟渡

石川河渡二並在櫟陽縣東

橋渡

栗邑渡

涇水渡九屬涇陽縣

百光渡

寧甘渡

涇甘渡並縣西

臨涇渡縣西北

睦城渡縣西南

劉洪渡縣南

張茹渡

郭渡

孫渡並縣東南

# 原丘

原

白鹿原在澧水東濟水南東西六十里南北五十里三秦記周平王東遷見白鹿於此原以是得名德說在咸寧縣東南二十里自藍田縣界至澧水川盡東西一十五里南接終南北至霸川盡南北一十里亦謂之霸上少陵原在今咸寧縣南四十里南接終南北至澧水西屈

曲六十里入長安縣界即漢鴻固原也宣帝許后葬司馬村冢比杜陵差小號曰小陸以杜陵大故也語訛為

少陵杜甫稱少陵野老杜曲在其傍

樂遊原在咸寧縣南八里曲江池東北秦宜春苑也漢宣帝起樂遊廟在唐京城內高麗每正月晦日上巳重九京城士女咸此登賞袞襖任氏鄭生相遇之地

畢原在咸寧縣西南二十八里

高陽原在長安縣西南二十里

細柳原在長安縣西南三十三里

矩陰原在咸陽縣西南二十里

咸陽原在渭水北九峻山南俱陽之地謂之咸陽原郡縣

圖志云周之畢鄆漢之長平南北數十里東西二三百里無川澤陂洎井深五十丈周文武周公漢帝王諸臣

並在東西原上起陵冢閑閑老人詩曰渭水橋邊不見  
人摩挲高冢石麒麟千秋萬古功名骨盡作咸陽原上塵  
始平原在興平縣北一里東西五十里南北八里東入咸陽界  
西入武功界三秦記曰長安城北有始平原數百里其  
人井汲巢居井深五十丈漢時亦謂之北芒巖西京雜  
記曰茂陵富人袁廣漢藏錐巨萬家產九百人於北芒  
巖築園東西四里南北三里激流其內構石為山高十  
餘丈連延數里養白鷓鴣紫鴛鴦苑牛青兕廣漢後有  
罪誅沒入官為園鳥獸草木皆徙植上林苑又曰何武  
葬于北芒龍坂

三時原在我功縣西南二十里崇五十丈西入扶風縣界

上武亭川東原至興平縣西界三十五里

上武亭川西原至鳳翔府扶風縣東界一十一里三百二步

鳳皇原在臨潼縣東一十五里後漢延光二年鳳皇集新豐

即此原也亦驪山之別麓唐韋嗣立構別廬於驪山鳳皇原鷄鳴谷有重崖洞壑飛流瀑水中宗臨幸改為清虛原幽棲谷唐書曰新豐鷄鳴谷水清代傳云此水清天下平開皇之初暫清尋濁至是而復清

涼風原

在藍田縣西南四十五里南接石門山北入万年

縣界適甲開山圖曰驪山之西川有阜名曰風涼原亦雍州之福地即硯山之陰也水沒注曰狗枷川水有二原西川水出硯山之斫盤谷與若谷二水合而東北流

涼風原

石安原在涇陽縣西南七里崇二十丈東西三十八里南入咸陽縣界崔鴻前秦錄曰符健攻張居于宜秋還登石安原而歎曰美哉斯原也悵然有終焉之志

奉政原在高陵縣南一十一里東西長三十里南北闊三里

鹿苑原在高陵縣西南三十里東西長一十五里南北闊

一里三輔黃圖曰安陵有果園名鹿苑

廣鄉原在渭南縣東南一十里水經注曰東陽水西陽水

並南出廣鄉原北垂

新豐原一名清原在渭南縣西南二十里水經注曰冷水

歷陰盤新豐二原之門案今冷水經此原之右

蟠龍神原在蒲城縣西三十里舊圖經曰唐明皇遊幸見

原上雲霧中有黃龍之狀於下得石狀似蟠龍以其地

為龍樂鄉今其石尚存

羊蹄原在富平縣東南三十里

中華原在富平縣南二十里

北虜原在富平縣西北一十里

天齊原在三原縣西北二十里連截孽山上有天齊祠清  
水谷河自縣西北華原縣界來經縣西南入白渠東溉

民田十道志曰一名鬼谷

鳳棲原在少陵原北棲洪固原柳元宗為伯妣誌曰奠于  
萬年之鳳棲原長安志少陵西且三十里皆鳳棲原也

龍首原三秦記龍首原起自南山東義谷澇水西岸至長  
樂坡西北屈曲至長安古城六七十里皆龍首原隋唐

宮殿皆依此原

神禾原在御宿川北樊川之原東西三四十里劇談錄曰  
晉天福六年生禾一穗重六斤故號為神禾原

銅人原在瀟陵東北一十五里蒯子訓與老父摩挲銅狄處

尖丘在長安縣西北一十五里今謂之尖丘社



# 關塞

關

雍錄云自華而繞自鞏而陝自陝而河南中間千里古立  
關塞者凡三所由長安東一百八十里出華州華陰縣東  
則唐潼關也自潼關東二百里至陝州靈寶縣則秦函  
谷關也自靈寶縣三百餘里至河南府新安縣則漢函  
谷關也關者明有門扉晨夜啓閉以禁往來暴客其為  
扼塞者凡二曰桃林曰轅山並列如左

秦函谷關在陝州靈寶縣南十里靈寶乃漢之洪農縣也  
路在谷中深險如函故以為名東西四十里絕崖壁立  
崑上松柏陰谷中嘗不見天日關去長安四百里日則閉  
雞鳴而開東則轅山西至潼津通名函谷實為天險

漢函谷關在河南新安縣之東蓋漢世楊僕移秦函谷關而立於此也此秦舊則東三百七里楊僕宜陽人漢武時數立入功家宜陽其地在函谷關外耻其家不在關內乞關而東武帝允焉僕以家僮築立關隘為漢函谷關移在新安縣雲霄秦關則廢矣

唐潼關在華陰縣東北華山之北通典曰本名衝關言黃河向南流衝激華山之東故以為名後因關西一里有潼水因名關曹大家婚賦云涉黃巷以濟潼生唐於此立關子午關在長安縣南一百里漢書曰平帝元始五年王莽通子午道因置關今廢

藍田關在藍田縣東南九十八里即秦峽關也漢書曰趙高遣將將兵距峽關沛公引兵繞峽關踰黃山擊秦軍大破之後周明帝武成元年徒青泥故城側改曰青泥關武帝

建德三年改曰藍田關因縣為名煬帝大業元年徙復舊所即今關是

略谷關在藍屋縣西南一百二十里唐武德七年開略谷道

以通梁州在今關北九里貞觀四年徙於此

關中續漢書云東有函關西有隴關南有子午關北有盧

關東南有峽關西南有二里關西北有蕭關在諸關之

中故曰關中

塞

桃林塞春秋時晉詹嘉處桃林之塞三秦記塞在長安東

四百里號之閼鄉矣縣東南十里有桃源古之桃林周

武王放牛之地函谷關皆阨東河山故之塞耳

嶠塞名三嶠山又名嶽崆山春秋時秦將襲塞叔哭送子

曰晉人禦師必嶠東嶠至西嶠三十五里東嶠長坂數

里峻阜絕澗西峭全是石坂長三十里險不異東峭二  
峭皆在秦關之東漢關之西也

## 鎮聚

鎮

鳴犢鎮在咸寧縣南六十里鎮西原下有鳴犢泉故名

瀟橋鎮在咸寧縣東二十五里

渭橋鎮在咸寧縣東四十里

義谷鎮在咸寧縣南八十里入乾祐路俗曰谷口鎮

步城鎮在咸寧縣唐昭宗乾寧二年縣啓夏門出居之今廢

杜角鎮在長安縣南四十五里久有西杜角

秦波鎮在長安縣西南灃水西四十里入鄠縣路

中橋鎮在咸陽縣東二十五里

零口鎮在臨潼縣東四十里

甘泉鎮在鄂縣西北三十里

醴泉鎮在醴泉縣城內

北醴泉鎮在醴泉縣北二十里按今有北鎮疑是此

櫟陽鎮在郭下

栗邑鎮在櫟陽縣東北三十四里石川河東莽曰栗城

涇陽鎮在涇陽縣城西街北

臨涇鎮在涇陽縣西北宜善鄉白渠(圖)其中

高陵鎮在高陵縣城內

渭橋鎮在高陵縣南一十八里

毗沙鎮在高陵縣西南一十八里

歸安鎮在乾祐縣南一百二十里

渭南鎮在渭南縣郭下

赤水鎮在渭南縣東一十五里  
塢子鎮在渭南縣西南與藍田縣接境以南山多虎故立

斥塢於此

蒲城鎮在蒲城縣內

荆姚鎮在蒲城西南三十里

車渡鎮在蒲城縣東南五十里

常樂鎮在蒲城縣東南四十里

漢帝鎮在蒲城縣東南一十八里

薛祿鎮在奉天縣東

寧谷鎮在華原縣西北八十里

棘店鎮在富平縣南二十里

孟店鎮在雲陽縣東北一十里

梨園鎮在雲陽縣金龜鄉王襄雲陽宮記曰車箱坂下有

梨園漢武築之大一頃樹數百株青翠繁密望之如車  
蓋鎮因名之唐李克用以并師討邠岐駐車梨園寨淳  
化四年建為淳化縣以雲陽金龜平泉古鼎三鄉仍祈  
山後廿延溫豐威遠三鄉屬焉  
黃堡鎮在同官縣南三十里

聚

千人聚皇覽曰衛思后葬咸寧縣城東南桐栢園今千人  
聚是關中記曰宣帝父曰悼皇考母曰悼夫人墓曰奉  
明園衛皇后曰思后以倡優雜伎千人樂思后園今所  
謂千人鄉者是  
謝聚關中記曰在始皇陵北十餘里

堡寨

堡

尚可堡在藍田縣東今存

明市堡在藍田縣西南四十里

雞子堡在藍田縣北四十里上坡狀如雞子因以為名

黃墟堡在藍田縣北三十里以上三堡今廢

兩金堡在富平縣東南三十里周八百步東有雨金泊史記

秦獻公十八年雨金櫟陽後因名堡按其地古櫟陽縣界也

王侯堡在富平縣西北四十五里避難堡在蒲城東北八十里

寨

晉穆公寨在沮水東岸相去五里屬蒲城縣

晉太子虛糧寨在蒲城縣東北六十五里沮水西岸史記

晉世家曰晉穆侯四年娶齊女姜氏為夫人七年伐條

生太子仇杜預曰條晉地漢地理志懷德縣禹貢北條



荆山在南按今朝邑縣西南有懷德故城即古條遠焉  
虛糧史傳無聞

白起寨在蒲城縣東北三十里

峽峒山寨在藍屋縣南九十五里

羅開山寨在藍屋縣南六十五里

解保寨在藍屋縣東北三十里

# 驛郵

驛

太寧驛在咸寧縣城東草市東至昭應驛四十六里去秦

川驛四里

滋水驛在咸寧縣東北三十里兩京道里記曰隋開皇十

六年置

長樂驛在咸寧縣東十五里長樂坡下兩京道里記曰聖曆元年勅滋水驛去都亭驛路遠馬多死損中間置長樂驛東去滋水驛一十三里西去都亭驛一十三里

臨率驛在長安縣西北一十里開遠門外今廢

陶化驛在咸陽縣郭下東去府四十里西去興平四十五里

臨率驛在咸陽縣東南二十里

溫泉驛在咸陽縣西二十里今廢

槐里驛在興平縣郭下東至咸陽驛四十五里西至武功

驛六十五里

馬嵬驛在興平縣西二十里今廢

昌亭驛在臨潼縣西南五十步東至華州渭南縣驛八十

里西至府秦川驛五十里南至藍田縣七十里北至櫟

陽縣三十五里

戲水驛兩京道里記曰大業六年置在戲水店

鄠縣驛在縣北門內東北至本府秦川驛七十里西至藍  
屋縣驛七十里

青泥驛在藍田縣郭下

藍田縣在縣西北二十五里

韓公堆驛在藍田縣南二十五里

藍橋驛在藍田縣東南四十里

藎平驛在藍田縣南五十五里

醴泉驛在醴泉縣西門內東南至咸陽驛四十五里西北

至乾州奉天驛七十里今廢

迎冬驛在涇陽縣廣吉鄉十道志曰舊池陽縣城俗名迎

冬城城中有尹吉甫碑復為驛今廢

神皋驛在高陵縣北一百五十步今廢

渭南驛在渭南縣郭內東至華州佑順館三十四里西至

臨潼縣驛六十二里南至商州路洛南縣秦嶺為界無堠  
館北至濯州富平縣驛七十里

東陽驛在渭南縣東一十三里兩京道里記曰西魏大統

十四年置在東陽谷側因以為名

杜化驛在渭南縣西一十三里兩京道里記曰亦大統十  
四年置在杜化川二驛今廢

昌寧驛在蒲城縣城內

通智驛在蒲城縣西北景陵下去縣二十里

堯山驛在蒲城縣北光陵下去縣一十里

孝城驛在蒲城縣東北秦陵下去縣三十里

豐山驛在蒲城縣北喬陵下去縣三十里

蓋屋驛在縣城內東至鄠縣驛七十里南至終南山櫻桃

驛四十五里

櫻桃驛至三交驛五十五里

三交驛至林闕驛四十五里

林闕驛至洋州真符縣大望驛七十五里

已上三驛並屬藍田縣

奉天縣驛在縣南三百步東南至興平縣驛七十里北至

永壽縣麻亭驛八十里

泥陽驛在華原縣子城內西至富平縣驛五十里西北至

寧谷鎮驛八十里

寧谷驛在華原縣西北八十里寧谷鎮西北至邠州一百里

秦川驛在今安西府城內西北城角

郵

杜郵在咸陽縣東北二十里渭水北

曲郵在咸陽縣境漢書高帝征黥布張良送至曲郵

# 坡坂

物附

坡

長樂坡在咸寧縣東北一十里即漣水之西岸十道志曰舊名漣坂隋文帝惡之改曰長樂坡蓋漢長樂宮在其西北李長源詩曰細柳斜連長樂坡故宮今日重經過一時人物傷公議萬里雲山入浩歌白髮歸來幾人在青門依舊少年多誰憐李子韶裘弊辛苦燈前讀揣摩

開元坡劇談錄唐京城興慶池西乃明皇為王時故宅後

廢為開元坡元稹詩曰開元坡下日初斜拜掃歸來走

細車可惜數枝紅艷好不知今夜落誰家

金鑿坡雅錄云在含元殿龍首山之北坡上有金鑿殿故

號為金鑿坡

故市坡 雍錄云在京坡西乃舊之西市後市廢有坡號為

故市坡

草場坡 新說曰在朱雀門外乃舊之草市有坡故號曰草

場坡

龍首坡 新說曰京兆城北玄武門外有龍首坡上出京三

稜俗呼為三稜坡

胭脂坡 新說曰在宣平坊南開元天寶間皆妓館倡女所

居商左山詩曰少陵野老吞聲哭不到胭脂翡翠坡

翡翠坡 新說曰翡翠坡在蝦蟆陵下亦是妓館所居李長

源詩曰薄遊却憶開元日常逐春風醉雨坡

胡城坡 在渭南縣南一十五里東西一十五里南北接山三十里

侯柳坡 在渭南縣東南一十五里東西一十里南北接山三十里

黏鞞坡 在渭南縣西南二十里東西三十里南北接山三十里

絳坡在藍田縣東南通典曰七盤十二絳乃盤關之險路也

長平坂

坂

在涇陽縣西南五十里俗名睦城坂東方朔記曰漢武上甘泉至長平坂上馳道有姦盤而覆地赤如生肝狀頭目豎耳齒盡吳先驅旋頭馳還奴聞方朔從上在後車上使往視之還對曰恠也上曰何謂對曰秦始皇拘繫無罪幽殺無辜衆庶恨怨憤氣之所生也是地必秦之故獄處也詔丞相公孫弘按地圓泉秦獄也上曰善當何以去之朔曰積憂者得酒而忘致酒其上以消糜以酒澆之果消上大笑曰東方生真先生也賜帛百疋自此之後屬車載酒

鴻門坂在臨潼縣東十七里漢書大道北下陂口名也關



中記曰鴻門在始皇陵北十里新豐縣漢書沛公會項羽慶又文帝金霸陵指新豐路示慎夫人曰此是北走邯鄲道也又亭尉呵李廣處續漢書郡國志新豐縣東有鴻門亭

安幕均兩京道里記曰相傳漢高祖幸新豐安營幕於北

## 堆堰

堆

高望堆長安圖曰在延興門南八里潘岳西征賦曰憑高

望之陽隈

桓公堆在藍田縣南二十五里晉書桓溫伐苻健遣苻雄

等拒溫於秋思堆後因名桓公堆

殊始堆在渭南縣二十里崇三十尺周二百步

孟家堆在渭南縣南六十里崇一百尺周四百步

灰堆在渭南縣西南五里崇三十尺周一百步

木炭堆四在蒲城縣東偏南五十里沮水之岸舊說夏禹

治水至此履下弁泥積之成堆各周二里崇一百尺

八公堆在富平縣東南二十五里其堆兩畔各有一小各象

八字中心有埽象公字因以為名

萬戶堆在富平縣西三十里

黃金堆在富平縣北二十里

堰

石閘堰在長安縣西南三十二里水經注曰永水西至石塢

漢武帝元狩三年穿昆明池所造

六門堰在武功十道志曰西魏文帝大統十三年置六斗

門節水因名之

山陽堰在蒲城縣北一十里舊圖經曰為置陵寢修此堰  
龍門堰在富平縣南二十里  
石川堰在富平縣南二十里  
常平堰在富平縣東南二十五里

## 故城關

城

漢長安故城在今京兆城西北二十里漢書高帝七年長  
樂宮成自櫟陽徙都之惠帝元年正月城長安城侶北  
斗形故曰北斗城隋文帝見城摧毀於龍首山南創起  
大興城後改長安舊城為楊廣城語訛為楊家城  
隋大興城隋書文帝開皇二年六月十八日漢故城之東南  
屬杜縣周之京兆郡萬年縣界創築大興城三年正月

十八日移入新邑唐增築之

霸陵故城在咸寧縣東北二十五里霸水之東十三州志曰秦襄王所築芷陽也漢文帝更名霸陵莽曰水華郡國志曰在迺化門東二十里秦襄王葬於其坂謂之霸上其城即秦繆公所築

南陵故城在咸寧縣東南二十四里白鹿原上漢文帝七年置屬京兆尹漢舊儀曰薄太后葬之所亦謂之南霸陵

杜陵故城在咸寧縣東南一十五里漢宣帝以杜東原上為初陵置縣曰杜陵而改杜縣為下杜城王莽改此杜陵曰安

長陵故城在長安縣東北四十里一本云二十里漢高帝置而南去長陵三里莽曰長平晉省

安陵故城漢惠帝置周之程邑也周書曰惟王李宅于程惠帝陵在焉莽曰嘉平

陽陵故城在長安縣東北四十里故弋陽縣漢景帝更名

屬左馮翊東至景帝陽陵二里莽曰渭陽魏省

平陵故城在長安縣西北十八里漢昭帝置昭帝平陵在

焉屬右扶風在故城北二里莽曰廣利魏黃初中改為

始平縣符秦徙縣於茂陵故城此城遂廢郡國記曰平

陵城與茂陵城相去二里

阿城北里志在長安西二十里即秦阿房宮城也東西北

三面有牆南面無牆周五里一百四十步崇八丈

蕭成長安志云去長安北五十里長平坂上高帝以蕭何

有功賜之食邑周三里號曰蕭城

咸陽故城在今咸陽縣東二十里史記咸陽本周王季所

都孝公二十一年城咸陽自汧隴徙都焉秦自孝公惠

文悼武昭襄莊襄始皇胡亥並都之徙天下豪富十三萬以實

咸陽項羽屠咸陽燒宮室火不滅者三月

唐故縣城在渭河北杜郵館西城崇一丈五尺

槐里故城即犬丘城在興平縣東南一十里周二十二里崇

二丈五尺晉太康中始平郡治也

茂陵故城在興縣東北一十九里周三里三輔舊事曰武帝

於槐里茂鄉徙戶六萬一千置茂陵縣屬右扶風

文學城在興平縣東一十里崇二丈五尺今謂之故縣城

武學城在興平縣東一十里崇二丈五尺與文學城相接二

城並秦章邯築

樊噲城在興平縣南一十里崇二丈西京記曰漢王襲雍

章邯則走廢丘城命將軍樊噲圍之於城西築臺以望

之今縣西南有武延臺疑是馬人呼為樊噲城

馬嵬故城在興平縣西北二十三里孫景安征途記曰馬嵬

人名於此築城以避難未詳何代人姚萇時扶風王駢以數千人保馬嵬故城

故釐城一名武功城在今武功縣西南二十里古有邠國堯封后稷於邠周平王東遷以其地賜秦襄公作四十一縣繫其一也

美陽故城在武功縣西七里漢書曰屬右扶風注周太王所邑有高泉官秦宣太后所起後魏太和十一年廢

驪戎故城在臨潼縣東二十四里殷周時驪戎故城也在

驪山上城高一丈五尺周回四望

幽王城一名幽王壘在臨潼縣東南戲水上城高八尺周

二百八十步國語曰幽王城于戲蘇林曰戲邑名也在

新豐縣東南三十里戲亭是也史記曰褒姒不好笑幽

王為烽燧大鼓有冠至舉烽火諸侯悉至至而無冠褒

以乃大笑幽王欲悅之為數舉烽大其後不信諸侯諸  
侯益不至夫戎共攻幽王幽王舉烽火徵兵兵莫至遂

殺幽王驪山下

新豐故城在臨潼縣東北十八里

昌陵故城漢成帝鴻嘉元年以新豐戲鄉為昌陵縣

鄠縣故城在今鄠縣北二里即漢鄠城也周四里縣祝終

南山豐鎬二水合流入渭山水之勝甲於秦中

藍田故城在藍田縣西三十里

白鹿故城在藍田縣西一十里

周玉山城在藍田縣東二十五里

唐玉山故城在藍田縣東四十三里有萬金堡

寧民故城在藍田縣西南三十二里

青泥城在藍田縣南七里棠曉柳城亦謂之青泥城即今



縣是也未詳復有此城

思鄉城一名柳城在縣東南三十三里舊說宋武帝入關築城於此南人思鄉因名之又以城傍多柳故曰柳城

古櫟陽城在今櫟陽縣北東西五里南北三里

胡縣城在涇陽縣西南角

高陵故城在今高陵縣西南周二里

渭南故城在今渭南縣城北周一里餘二百八十步崇一文祐地志曰渭南故城在縣治東南四里西魏文帝大

統十六年築

古倉保城在渭南縣東三里

張堡城在渭南縣東南三十里

嚴堡城在渭南縣西南三十五里

青原堡城在渭南縣西南二十五里

姚堡城在渭南縣南二十里

胡城在渭南縣南十里舊說匈奴休屠王部落降漢築此

城以居因名胡城

重泉故城在蒲城縣南五十里

蒲城在今蒲城縣東三十里

故同州城即漢祿祔城

買城在蒲城縣西南一十八里古之買國左氏傳謂芮伯梁

伯賈伯伐曲沃是

晉城在蒲城縣東南五十里未詳所出

魯王宮城在蒲城縣西南四十里

終南故城郡國記曰即漢蓋屋城也

宜壽城在蓋屋縣西一里隋有壽宮疑置此城

五郿城在蓋屋縣東南三十里周三里舊說有義兄弟五

人共居此城不詳建立

漢好時故城在奉天縣東北七里岑陽鄉周二里五十步

崇三丈

唐好時故城在縣西北六里

殺相故城在華原縣東北一里

懷德故城在富平縣西一十五里周三里漢書懷德縣屬在

馮翊禹貢北條荆山在南下有強梁原洛水東南入渭

雍州窳葬曰德驪

秦穆公城在富平縣南三十里南面西面崇一丈五尺東

西北面無牆

直市城在富平縣西南一十五里

渭城漢書渭城古咸陽也漢元鼎三年改為涇城縣俗呼中橋

陰盤城漢書云在鄠縣東北一十四里故城東門外去昭

應縣十五里漢靈帝改封段熲盤侯即此是陰盤城高一丈三尺南北各三百壹十步

闕

冀闕史記曰秦孝公十二年先以咸陽築冀闕自沂隴徙都之東闕漢書高帝七年蕭何立闕於未央前殿文帝七年七月未央宮東闕累浮思思思思如淳曰東闕與其兩旁累思皆災師古曰累思為連闕曲閣也以覆重刻垣墉之處其形累思一曰屏也

北闕漢書未央殿雖南向而上書奏事謁見之徒皆請北闕公車司馬亦在北馬是則以北闕為正門而又有東門東闕至於西南兩面無門闕矣蓋蕭何初立宮以厭勝之術理宜然乎

蒼龍闕闕中記漢未央宮東有蒼龍闕

白虎闕廟記曰未央宮有白虎闕止車門

玄武闕漢宮殿疏未央宮北有玄武闕所謂北闕也闕中

有閭闔門

鳳闕宮殿疏曰建章宮東鳳闕高二十餘丈師古曰闕闕

上有銅鳳闕中記曰建章宮圓闕臨北道鳳在上號曰

鳳闕繁欽鳳闕賦序秦漢規模廓焉泥毀唯建章鳳闕

聲然獨存雖非象魏之制亦一代之巨觀也

折風闕三輔故事建章宮有東折風闕高二十丈

嶠山廟記曰建章宮有嶠山闕薛綜注次門女闕也在

圓闕門內二百步

西闕漢宮殿疏長樂宮有西闕劉禿傳太子殿四市人至

長樂西闕下逢丞相合戰

西嶽石闕銘云永和元年五月癸丑朔六日戊午弘農太

守常山袁氏張勳為西嶽華山作石闕高二丈二尺其後  
為韻語文詞頗怪又多假借時有難曉處永和漢順帝  
晉穆帝皆有此號穆帝時華陰不屬晉此碑蓋漢刻也

## 古跡

古跡

坑儒谷在臨潼縣西南五里驪山半原舊長安志云秦始  
皇坑儒於驪山下故名坑儒鄉漢書注師古曰今新豐  
縣溫湯之處號愍儒鄉溫湯西南三里有馬谷谷之西  
岸有阮古老相傳以為秦坑儒處也衛宏認定古文官  
書序云秦既焚書患苦天下不從所改更法而諸生到  
者拜為郎前後七百人乃密令冬種瓜於驪山阮谷中  
溫處瓜實成詔博士諸生說之人人不同乃命就視之為

伏機諸生賢儒皆至焉方相難決因發機從上填之以土皆塵終乃無聲此則閔儒之地其不謬矣唐天寶中

改為旌儒鄉立旌儒廟賈全作碑

殺

殺祠

上下活丁外反下音旬

長安志云華原縣本漢殺祠縣之他說文云

殺及也從及示聲或說城郭市里高懸羊皮不當入而

欲入者暫下以驚牛馬曰殺故從及示詩云何戈與殺

故龍圖學士趙師民守耀州以為殺祠字從示悉祭神

求福之意疑秦地尚武以饜兵得名非書見也宣帝神

爵二年鳳皇集殺祠故城

新豐漢書曰高祖七年置新豐縣應劭曰太上皇思東歸

於是高祖改築城寺街里以象豐徙豐民居之故號新豐

三輔故事曰太上皇不樂宮中思慕鄉里高祖徙豐沛

屠兒酤酒煮餅商人立為新豐西京雜記高祖作新豐

移舊社街巷物色如故士女老幼相携路首亦各識其  
家放犬羊雞鴨於通衢亦各識其主匠人朝寃所作也  
移者各喜其佞競以賞贈致累百金別本曰太上皇居  
深宮不樂因左右問其故以平生所好皆屠販少年酷  
酒賣餅鬪雞蹴鞠以此為樂高祖乃作新豐徙諸故人  
甯之太上皇乃悅今臨潼東十五里新豐鎮是也

廢丘本周大丘之地帝王世紀周懿王二年王室大衰自  
鎬遷都於大丘秦名廢丘項羽滅秦封章邯為雍王都  
廢丘高帝三年改為槐里縣唐至德初改為興平

好時古漢縣屬右扶風孟康曰時音止神靈之所依止也  
以雍州積高明之陳故立時以郊祀上帝及諸神今縣  
東南四十三里奉天縣界有好時故城

輶道在長安東十三里漢元年秦王子嬰素卓白馬以降



沛公蘇林曰軹道亭名在霸城觀西四里漢時有白娥飛自東郭門經軹道入苑內按許氏說文軹車輪小穿也在車道傍降也

司竹監按長安地志蓋屋縣東三十里有司竹監穆天子傳云天子西征至玄池奏廣樂三日是日樂池乃植之以竹史記司竹都尉治其園周百里以供園用唐置監丞掌之

細柳在昆明池南今柳市是也師古曰句奴傳云置三將軍細柳棘門灞上三輔故事周亞夫軍於細柳今石澂是也又名石澂通交水入昆明池

棘門在咸陽東北十八里漢文帝六年厲為將軍次棘門孟康曰秦時宮門也

灞上在通化門東三十里灞河西岸謂之灞上 上元年

十月沛公至灊上子嬰降文帝六年宗正劉禮為將軍

次灊上

谷口在醴泉縣本漢谷口縣在九峻山東仲山西當涇水

出山之度故謂之谷口今縣東四十里谷口城是也後

魏武帝於谷口置溫秀寧夷二護軍隋開皇三年改寧

夷為醴泉縣

蓮

勺在蒲城縣西北三十里漢蓮勺縣也漢宣帝徵時常

因於蓮勺函中如淳曰為人因辱也

瓠

口爾雅十莢周有焦獲郭璞曰今在扶風池陽瓠中是

也關中記鄭谷鑿涇水自仲山西即瓠口為渠水經注

曰涇水南流經於瓠口

鼎湖在藍田縣東玉山有秦鼎湖萬金等宮開耀三年詔

新造涼宮為萬金宮

五丈原在斜谷口諸葛亮遺孟琰據五丈原司馬懿出方  
馬不攻琰營亮作車橋懿見橋去成別兵而退

馬嵬在興平縣西二十里元寶四載福山陷長安玄宗幸  
蜀六軍不發馬踐楊妃靈杜陵詩云楊柳依水拍堤春  
晴茆屋燕爭泥海棠正好東風惡狼籍殘紅襯馬蹄信  
宗亦幸蜀回過馬嵬復題詩曰馬嵬楊柳綠依依又見  
望與幸蜀歸哀下阿環應有語這迴你更罷楊妃

習仙臺在興平縣東北十六里崇二十丈三補黃圖曰漢  
武帝李夫人墓在茂陵西北習仙臺

石籠長安志云在京兆城南六十里終南山石籠谷口有  
大白圓石如三間屋大前後有二大石當欄屢以此  
呼為石籠谷石羊長安以此谷為界谷東屬万年縣谷  
西屬長安縣北抵皇城承天門為之天門界

廣運潭明皇雜錄天寶元年韋堅為陝郡太守水陸運侵以漢有運渠起門西抵長安引山東租賦及隋常治之堅為吏雍渭為堰絕霸漚而東注永豐倉下與渭合初漚水苑左有皇春樓堅於樓下鑿為潭而運漚一年而成明皇昇樓詔群臣臨觀名潭曰廣運寶曆中勅太倉廣運潭今後令司農寺收管

大八溝城南北京北西南一十五里有大八溝乃漚河岸最深處長楊高柳蓮塘花園竹徑稻塍為勝遊之地號曰大八溝杜甫陪公子窈妓納涼詩曰落日放缸好輕風生浪還竹深留客處荷靜納涼時公子調冰水佳人雪藕絲片雲頭上黑應是雨催詩

龍尾道在大明宮含元殿前乃登殿之道也賈黃中葺錄曰含元殿前龍尾道凡詰曲七轉高四十丈自丹鳳門

北望之宛若龍尾下垂於地元會朝者仰觀玉座如在雲漢之上

四馬務在興平縣東南二十里從東第一曰飛龍務次大馬務次小馬務次羊澤務凡地三百七十一頃南渡渭河廢曆中為營田尋罷之其後民占佃簿籍之數不復歸於有司獅子園在建章宮西南

虎園漢宮殿疏曰獅子園是園虎園武帝造秦虎園西去長安十五里周西三十五步

獸園列士傳秦王召魏公子無忌無忌不行於是朱亥奉壁一雙諸秦王怒置於獸園中亥踰視獸比目血漣於獸面皆不敢動

狼園蘇林曰秦改狼園廣八十步長二十步西去長安二十五里

郇塢後漢董卓傳卓為太師築塢於郇高厚七尺號萬歲城及王允殺卓及卓子于市卓素克肥守尸吏置燧火於卓臍中今藏金郇塢故墓尚存

塢井樵道曰驪山白虎觀有塢井中有一金色三足蠍墓在井中賀蘭先生見此肉芝也烹而食之白日上昇傍有昇天臺

御井長安志善和坊有井水甘美以供內廚開元中日以駱駝馱入內以給六宮謂之御井

冰井城南記長安城南八十里有太一玉案山有詩云霧簷玉葉射波瀾石井冰疑六月寒其間有冰井深數丈水落井中結水經暑不消長安不藏冰每夏於此井取水謂之冰井

玉漿藍田縣東玉山下有玉漿石井深丈餘井中本無水

人患病疾孝子順孫求漿者虔誠禱請懸瓶井中志心者經宿玉漿滿瓶引出色白其味甘飲之愈痼疾石甕新訖曰華清宮東驪山半腰有石甕寺下溝底有天然石甕以貯飛泉寺僧於飛樓中懸轆轤引脩紆千餘尺以波甕泉出於紅樓喬木之杪開元中玄宗於樓中題詩真草八分每篇一體

銅盤漢宮儀武帝作承露銅盤蘇林曰仙人以手掌盤承甘露三輔故事建章宮承露盤高二丈七圍大以銅為之上有仙人掌承露和玉屑飲之西京賦曰立湄壘之仙掌承雲表之清露屑瓊藥以朝食必性命之可度

銅狄關中記秦鑄銅狄十二董卓毀以鑄錢餘二枚魏明帝欲徙詣洛陽到霸城東不可去棄大道南銅人原水經注曰城東之人見薊于訓與一老翁摩挲銅狄曰正

見鑄此時今近五百年矣

銅雀漢宮儀建章宮閣上有銅雀班固西都賦曰壁門之  
鳳闕上觚稜而棲金爵即銅雀也古歌云長安城西雙

圓闕上有一雙金雀宿一鳴五穀生再鳴五穀熟

狼

石新說曰在臨潼縣東秦始皇陵東北一里石形似龜高

一丈八尺周一十五步有諸人留題湛朴詩曰桀紂大無端

始皇相並肩狼石猶然在惡名千萬年十六國春秋曰

秦始皇修陵於渭北諸山運石故歌曰運石甘泉口渭

水為不流千人唱萬人相鉤狼石半埋於土至元十年

山東劉斌斫而修灊陵石橋用畢

石鼓周地圖岐陽石鼓其數十乃周宣王獵碣史籀大篆

舊在岐陽石鼓村後移入鳳翔府宣聖廟政和年輦在

汴京大和殿



石麒麟水經注曰南山耿谷北長楊五祚兩宮之間有青  
梧觀下有石麒麟二枚刊其脇為文字是秦始皇墓上  
物頭高一丈三尺東邊左脚折處赤如血父老相傳謂  
有神皆含血屬荊馬

石鯨魚三輔舊事昆明池中刻石鯨魚十數枚各長三丈每  
遇風雷水漲常鳴吼鬣尾背動杜甫詩曰石鯨鱗甲動秋風  
落星石新說曰興平縣東關道北有落星石黃白色高五  
尺其形如覆上刊周時有星如火落於縣西南皇甫村  
汚池中化為石韓琮題詩曰的的墮芊芊蒼茫不記年  
幾逢疑虎將應逐飯牛仙擇地依蘭畹題詩聞錦等何  
時成五色却上女媧天

織女星新說曰漢昆明池今為陸地有織女星身長丈餘  
土埋至膝豎髮戟手怒目土人屋而祭之號為石婆神

廟唐童翰卿題詩曰一片昆明石千秋織女名見人虛  
脈脈依水更盈盈苔作輕衣色波為促杼聲岸雲連鬢  
濕沙月對眉生有臉蓮同笑無心鳥不驚還如明鏡裏  
形影兩分明

試官石新說曰元在鄆縣銀李家花園中大元庚子歲太  
傅移刺公葦來府城街後街闕王廟前青黑色狀如礮  
研石四尺高五六尺長闊二尺五上有舊釘入鐵釘三  
二百枚相傳清官釘入濕官釘不八號曰清官石亦名  
試官石

類編長安志卷之七